




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.391




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.391



Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CINAGL 1.7.391





LAVDATIO FVNEBRIS
SERENISSIMI PRINCIPIS
AC DOMINI
DOMINI

AUGUSTI
FRIDERICI

DVCIS BRVNSVICENSIS
ET LUNEBVRGENSIS &c.&c.

dicta
in
VNIVERSITATE ARGENTORATENSIS

ab

VLRICO OBRECHTO
HISTORIARVM ET ELOQVENTIÆ
PROFESSORE h. t. RECTORE.

die III. Januarij CIOICLXXVII.

ARGENTORATI,

Literis GEORGII ANDREÆ DOLHOPFFII,
Imprimebat JOHANNES Schüss.



1677

577

MANDATO INVIARE
SERENISSIMI PRINCIPIS
AD DOMINUM
DOMINI

AUGUSTI
FRIDERICI

DUCIS BRUNSVICENSIS
ET LINESVIGENSIS

IN
PUNERATATIS

ALFREDO OBERCITO
HISTORIARUM ET HUMANARUM
PROFESSOREM

in illi

ARGENTORATI

Jacob Georgii Augusti Historiarum
Professore



SERENISSIMI PRINCIPES:
ILLVSTRISSIMI COMITES:
EMINENTISSIMI REIPVBLICÆ ARGENTO-
RATENSIS DELEGATI:
PATRIÆ ET ACADEMIÆ PATRES:
PER ILLVSTRIS AC GENEROSIISIME BARO:
ILLVSTRES SERENISSIMORVM PRIN-
CIPVM ATQVE INCLYTÆ REIP. HVVS
CONSILIARII:
AMPLISSIMI PROFESSORES:
EXCELLENTISSIMI JVRECONSVLTI
ET MEDICI:
REVERENDI ECCLESIASTÆ:
CLARISSIMI CVRIARVM MODERATORES:
NOBILISSIMI, ERVDITISSIMI, FLOREN-
TISSIMI AVDITORES.



I, quanta Vniversitati Argen-
toratensi, suscipiendo, ad quod
tam inusitata celebritate conflu-
xistis, muneri necessitas incu-
buit;

buit ; tanta eidem implendo facultas suppetiisset : minimum foret, quod in hac parentali cerimonia vel oculi Vestri funesto spectaculo intuentur , vel aures lugubri silentio expectant. Principem genere, animis, virtute summis Heroibus æmulum, inter arma primum ætatis ac generosi sanguinis florem Patriæ immolavisse , non imbelles ex hac cathedra gemitus ; non è parietibus istis & subselliis, ferilis color : sed triumphales in excelsa Mausoleo tituli, & laureata fastigia loquerentur. Nec utique de musis Argentoratensibus magnifice minus meritis es, splendor ac decus Principum **AVGVSTE FRIDERICE!** quas cum ante quatuor circiter annos cœlestis indolis Tuæ comitate, ac interiore convictu obstringeres ; nonne pariter in familiare quoddam consortium , laudemque Tuarum participationem à Te sunt adsumtæ : qua Tu Germanici nominis decus præclaris facinoribus, illæ merita Tua, quibuscunque studiorum honoribus extollere, solenni veluti pignore invicem spondestis ? Atque Tu quidem egregie heu ! nimis, quas suscepas, partes implevisti ; humanæ fasti-

fastigium gloriæ, non per gradus & interval-
la; sed inaudito Heroici impetus compendio
emenfus. Nobis vero, quibus cum hac divi-
na velocitate genii Tui, nec laudibus in præ-
sens paria facere concessum est; nec dein-
ceps votis contendere integrum erit; quid al-
liud ad peragenda nostræ pietatis munia,
quàm cum perenni Tui desiderio, acerbissi-
mum orbitatis nostræ sensum, & ex virtutum
Tuarum memoria, luctuosissimam jacturæ
quam fecimus, æstimationem reliquisti? Sed
enim Deus modo avertat omen, atque ex
gravissimi casus commemoratione, qua in-
cuntis anni, & injunctæ mihi nuperrime
Professionis auspiciis funestatur, faustas
duntaxat voces, & gloriosa præconia, Reipu-
blicæ huic & Academiæ, Vobisque impri-
mis, Auditores, in augurium dispenset! Cœ-
terum funebres Cœlitis nostri honores, quid
ego vel obscurari metuum hac secessus Aca-
demici umbræ? quæ tot Augustorum vultuum
radiis illustratur: vel quid optem statuarum
trophæorumq; ambitione augeri? quibus in
tam Excelsarum mentium penetralibus al-
B taria,

taria, imo templa eriguntur, longe perennioribus imaginibus præfulgentia, quam quæ marmore aut ære finguntur. Cum præsertim ipsum sermonis hujus argumentum ita comparatum sit; ut de illius nec sublimitate, meditationis nostræ humilitas; nec dignitate sterilitas dictionis delibare quicquam possit. Sive enim Principis, cui hanc venerationem decrevit publica Senatus Academici pietas, promulganda est notitia; eam tam exquisitis coloribus Ipse, cum viveret, in humani generis conscientia expresit, ut quantumvis rudis delineatio, exactissimæ instar picturæ polliceatur: sive merita & virtutes celebrandæ; nec illorum, apud gnaros difficilis demonstratio: nec harum, apud consentientes deprædicatio ardua est futura. Nam adulationis frustra inter eos deprecere suspicionem, qui elogiorum me citius parcum, quam nimium sunt pronuntiaturi. Quin & luctus denique ultro hac totâ concione tam potentibus irritamentis dominatur, ut quæsitos ab arte stimulos ipsa sui magnitudine varietateque superet pariter ac excludat.

cludat. An enim adactum latisime vulnus
quisquam dubitet, quod pari vbique dolore,
tam dispares habet causas dolendi? Respu-
blica hæc, benivolentissimæ DOMUS calami-
tate, perinde ac propriis damnis mœsta: Aca-
demia, uti familiaritate conjunctionis cum Vi-
vente; sic erga Mortuum, affectuum teneritu-
dine conjunctissimis Ejus Necessitudinibus
æmula: Auditorium tot cognatorum Princi-
pum gemitibus, atque Ejus inprimis, qui ge-
mitur, indictâ in perpetuum absentia fune-
stum: cedunt tamen tristissimæ cathedræ
huius vicissitudini: cujus lugubrem speciem
immensum utique intendit, quod jam ex eo
loco NEPOS extrema pietatis mœstissimæ
officia recipit, ex quo AVUS quondam ra-
rissimæ eruditionis ac sapientiæ monumen-
ta publicavit. Quod si me quoque liceat
tantis nominibus miscere; quàm vero illæta-
bilis Tibi, Princeps Inclyte! quàm deploran-
da merces rependitur ab his studiis meis! qui-
bus Tu præcipuam aliquando claritudinem
tribuisti, quando ea dignatus es adolescentiæ
Tuæ rudimentis adhibere. Quanquam ego
qui-

quidem reverentius fecero, si consanguineis
gemitibus privata suspiria involvam, illorum-
que grandi consortio attollam quæ vi pro-
pria nunquam eò sunt assurrectura, vt Beatis
desideratissimi Herois Manibus digno mu-
nere parentent. cuius etiam de cætero appa-
ratu plæraque, præter aëris tempestatisque
hujus inclementiam, veneratio tam Illustris
confessus jubet amputare. quæ commenda-
tam aliàs levioribus quoque causis brevitatem,
hîc tanto efficacius imperat; quia de
Principe loquendum est, tot singularibus, tot
proprijs dotibus abundante, vt inter laudes
Ejus, nec quod Illi cum alijs commune est,
commemorari prolixius, nec quod alienum,
attingi vllatenus possit. Quo minùs præco-
nium hîc à me suum expectabit, quæ natali-
bus Herois nostri gloriatur, tellus. & est jam
laudatores alios nacta vetustissima illa Che-
ruscorum sedes. cuius etiam post Arminium,
ad nostram vsque memoriam solenne & fa-
tale quodammodo decus habitum est, vt
non vsquam terrarum, acriores Germanicæ
libertatis assertores vindicesque nascerentur.

Istam

Istam sane potissimum gloriam, postquam
ex immenso laudum cumulo Princeps no-
ster sibi vindicasset, longe tamen ampliorem
Patriæ moriendo reddidit, quàm ab illa na-
scendo acceperat. Qui & in Majorum pro-
sapiâ cum ad eminentissimas quasque imagi-
nes vitam non exigeret modo, sed compone-
ret prorsus & adornaret; nullam putandus
est illustriorem reperisse, quam cujus exem-
plar ipse, mortis genere, perpetuæ posterorum
admirationi in æterna DOMO consecravit.
Atq; illa quidem tametsi antiquitatem suam
non annis, non lustris, non seculis, sed æta-
tibus computet; nec splendorem angustius
quam Imperatorum Regumque sceptris me-
tiatur: Nostro tamen ad Welphones adscen-
dendum utique non fuit, ut absoluta Heroi-
carum virtutum exempla reperiret. quibus
illum cumulatissime Serenissimus Pater AN-
TONIUS ULRICUS, vel si ad Avum vsque
proferre gradum licet, illa Principum ac sa-
pientiæ norma AUGUSTUS Luneburgicus
instruxit; documentorum non minus gran-
dium per Matrem ELISABETHAM JULIANAM,
C avumq;

avumque Maternum FRIDERICUM è Cel-
fissima Holsatiæ Ducum serie, compotem.
Quorum Ipse merita sibi propria imitando
fecit. in familiaris insuper & quotidianæ dis-
ciplinæ specimen trahens, quicquid regen-
dis Europæ vniversæ fatis, vsquam videbat vir-
tute aut gloria exsplendescere. ne alterutrius
experimentis minus amplum, quam cognat-
ione aut affinitate spatium amplecteretur:
quæ æqualibus cum Orbe Christiano finibus
patet. Quod enim omnino diadema mihi,
quam purpuram nominaveris, vt non pro-
pinguo nexu Brunsvicensi ac Luneburgensi
domui, & per Holsaticum sanguinem AU-
GUSTO nostro geminatis vinculis copuletur?
Jamque adeo videtis, Celsissima confessus
hujus Sidera! in Vos omnium ora converti;
ac è Vestrorum vultuum habitu veritatem
exigi meorum verborum. quàm verò in o-
culis vestris aperto vestigio prodit se conjun-
ctissimi Principis jactura! qui Tecum qui-
dem Serenissime Comes Palatine Veldentie
LEOPOLDE LUDOVICE, Tritavum; Te-
cum vero Serenissime CHRISTIANE Bir-
ckenfel-

ckenfeldice Abavum communem numerà-
ravit : Vnde rivis multiplicatis in Te Se-
renissime Princeps AUGUSTE LEOPOLDE:
Sed & in Vos Illustrissimi Hanoviæ Comites
PHILIPPE REINHARDE & JOHANNES
REINHARDE necessitudo diffunditur. Et
quid miremur si Germaniæ pars Augustior,
atque inprimis Augustissimus Imperator
LEOPOLDUS tanquam domestico vul-
nere ingemiscat? quod consanguineo cruo-
re BURBONIAM quoque Domum resperfit,
è qua fatale telum evolavit. Et absit equi-
dem, vt funestissimam exempli hujus Philo-
sophiam ad scrutanda curiosius, quàm par
est, Divinæ Providentiæ decreta transfera-
mus : nescio tamen an aliud illa quicquam
agere censeri possit, quando tam potentibus
naturæ vinculis connectit illustres familias,
per quas cæteris mortalibus bonitatis suæ
munera dispensare constituit; quàm vt Chri-
stianas gentes ipso sanguinis conjuncti testi-
monio convincat, plus quam civilia esse, quæ
inter sese bella gerunt. quorum quippe nec
odia sine cognatis cædibus possunt exerceri;
& licen-

& licentia vix alio quam grandium animarum damno refrænatur. vt Illas vel hinc intelligas quieti nationum populorumque, quibus aut exprobraturæ sunt fata sua, aut imputaturæ, non ad piaculum tantum humana virtute devoveri, cum amittuntur; sed ad miraculum Divina provisione, cum nascuntur, destinari. Quarum porro genituram non errantium discursus astrorum; sed Heroicarum dotium constans concursus promulgat. Et Nostrium sane Principem, quanquam

d. xxiv. Aug.
1657. læto natum æthere, primâ statim ætate cœlestes in Infante gratiæ, & sidereus in Puero vigor demonstrabat; de fastigio tamen, ad quod vix initæ Juventæ primordio non tam adscendit, quam velocissimæ flammæ modo emicuit, in antecessum jubebant vaticinari sidera, ad auspicatissimum futuræ magnitudinis adspectum, non in Mathematicorum cœlo, sed in Aula Parentum disposita. quæ vt aulicæ comitatis ac elegantæ; ita pietatis, sanctitatis, virtutis schola quædam & aularum magistra publico dudum & familiari elogio celebratur. In hac, custodiendæ formam-

mandæque Filii indoli obvia vbique provi-
dentissimorum Parentum auctoritas, electif-
simorum Comitum Doctorumque cura,
gravissimi moris exemplum, perexiguo tem-
poris spatio, illud genii Principalis instar per-
fecerunt: cuius nova deinceps incrementa,
incomparabile huic Universitati decus afful-
serunt. tanta exempli non præstantia modo, An. 1672.
sed raritate, vt quod illi comparari vndequa-
que possit, nemo fortasse nostrum aliud me-
moriâ suâ complectatur. Versabatur in aper-
to bonarum artium mercatu: sed vt maiora
exquisitissimæ disciplinæ specimina propone-
ret, quam ambiret. Indulgebat se promiscuis
docentium discentiumque coëtibus: sed vt
sapientiam, quam voce alii & verbis profite-
bantur, Ipse efficacius præsentē vbique, vbi-
que spirante vivacissimi pectoris alacritate
doceret. Neque segnius interim domi Ge-
nerosissimi TANNII sui monita, & Eruditif-
simi SCHULZII doctrinam, integritate animi
atque indolis felicitate præcurrebat: à qui-
bus, cum virtutis usu sapientiam, profectibus
tām inusitatis hausit, vt ad vtriusque perfe-
D ctio-

ctionem non ab arte institutus, sed à natura
factus videretur. Primarius Illi ardor colloca-
batur in serio Numinis, atque hinc assiduo
Pietatis cultu: quo non imbutus modò,
sed roboratus contra seculi consuetudinem
animus, admodum mature, ad interiorem il-
lam cœlestis non necessitudinis duntaxat
conscientiam, sed commercii familiaritatem
assurrexit, qua frequentissimis de Deo, sed
frequentioribus tamen cum Deo colloquiis,
fera sibi atque solida, vt tum quidem pruden-
tes ratiocinabantur, felicitis regiminis præsidia;
vt ab amico Numine intellectum est, matu-
ra æternæ beatitudinis auspiciâ, paciscebatur.
Proximas Patriæ consecraverat curas. vt pro-
piori se Illius notitiæ insinuaret; quam in
perennis consortium famæ, glorioso vitæ ac
sanguinis auctoramento erat desponsaturus.
Majestatem Cæsaris, Libertatem Ordinum,
Dignitatem Imperii, nunquam obscura, etsi
obumbrata aliquando nomina, atque vti ho-
rum omnium, ita tranquillitatis, securitatis,
salutis denique communis fundamentum
Legum & moris publici auctoritatem, qui-
bus

bus pro sua parte præsidii esset propugnaturus ; jam tum agitabat animo , quando non subtilis quidem , sed fidi tamen monitoris indicio discebat , quantis alterutra periculis domi forisque conflictarentur. Hunc uti sapientissimo delectu propositis suis & conatibus præfixerat scopum ; ita nec in vniversum aliunde disciplinam ingenio , studiis normam , limites metabatur industriæ. neq; enim hæreditariis modo ditionibus , sed Germaniæ vniversæ & vivere se intelligebat , & volebat discere. Huic itaque non minus quam avitis Ducatibus gratulabantur amantes Patriæ Cives , Principem Nostrum. Ipse interim non cum constantia minore , quam alacritate , regere provincias , tueri subditos , conciliare socios , profligare hostes , vitam virtutibus , rempublicam meritis , annales gloria implere , nondum opere quidem , sed jam animi capacitate efficaciâque scientiæ aggressus , perfecti Herois , non signa modo & omina , sed pignus planæ & exemplum repræsentabat. Nam & ingenium Mathematicis disciplinis , & corpus , iis artibus exercuerat , quibus ad exactum
magnæ

74
magnæ mentis obsequium, habile reddere-
tur, ingentibusque adeo consiliis ac operibus
expedita quandoque facultate responderet.
nam ad speciem quidem & decus, ne exer-
citatione aut dictatis Magistrorum indige-
ret, rarâ naturæ indulgentiâ fuerat provisum.
quæ virili gravitate longe supra ætatem, nec
infra loci fortunæq; fastigium generosâ ma-
jestate signaverat genij Principalis characte-
rem. quem venerantium cultui non reclu-
debat modo nativa gratiosæ indolis comitas,
& amœnissima vitæ hilaritas; sed insinuabat
benignitas, commendabat munificentia.
Quàm valide autem inter hæc adversus ævi
magnæque fortunæ vitia pariter & vitiorum
illecebras excelsum pectus muniverit, attin-
gere injuria virtutum fuerit. quarum ingenua
simplicique commemoratione, quàm figuræ
nihil aut assentationi indulgeam; non alios
mihi testes exopto, quam quos antea iudices
advocavi. Et poteram in hac Panegyri etiam
breviore laudum compendio defungi: cujus
vel major vel nobilior certe portio, merita &
indolem AUGUSTI FRIDERICI longe pro-
lixius

lixius experti sunt, quàm recensere verbis quif-
quam possit. Nisi quod in quamcunq; solatii
partem fuit accersenda florentissimorū recor-
datio temporum, quibus nutantem jam bel-
licarum calamitatum ruinis Academiae hujus
celebritatem Hercules iste Musageta susten-
tavit. Quò notabilius felicitatis nostrae de-
crementum fuit, quando biennale quod a-
pud nos habuit hospitium, instituta hinc in
Galliam profectio, Italico mox continuata iti-
nere abruptit. neque tamen Ipse inter hæc
aliud quàm tenorem vitæ, qualem domi pa-
riter atque hîc egerat, cultissima, pertexuit,
consummavitque. Intelligitisque adeo, Audi-
tores, non angustio rem mihi orationis cam-
pum aperiri, quam peregrinatione Princeps
Noster est emensus; si ex Sapientum potius
commentariis, vel ex quorumcunque deniq;
testimoniis, quam ex oculata fide Illum de-
scribere instituissem. id in vniversum con-
cinentia Nationum, quas adiit, præconia nec
ignorare quenquam, nec nos adeò celare pa-
tiuntur; Illum, cum in vsus Patriæ sedulo con-
quireret, quicquid egregium vsipiam esset,
E plura

plura tamen apud exteros fecisse imitanda,
quam vidit : neq; admirationis majora repe-
risset argumenta , quam reliquit. Præclaram
certe sui memoriam,desideriumque latissime
per humaniores gentes diffudit : cum Ipsius
vota vnicus erga Germaniam affectus occu-
paret. Jamque in illius interius obsequium
absens à Gloriosissimo Imperatore LEO-
POLDO I. pedestris Legionis Tribunatu
auctoratus; vt se coràm tanti Principis judi-
cio,& Majorum suorum imaginibus dignum
probaret , citius quàm destinaverat redux ,
ferales ad Philippopolim campos, primam, &
sic Deus voluit , vltimam virtutis exhibendæ
palæstram elegit. Animum militaris avitæ-
que gloriæ cupiditate incensum erexerat ipsa
suscepti operis magnitudo: vt coituris velut
ad decretorium quoddam, si non salutis, at
existimationis profecto certamen, Germaniæ
Galliæque fatis interveniret,ac vtrique Popu-
lo natales suos & robur approbaret. Etenim
quanto acrioribus vtrinque animis, consiliis,
casibus , res administrabatur, tanto celerius
hausit artem belli & vsum. jamq; inter prima
tyro-

tyrocinia veteranis & militibus & Ducibus
æmulus, manu, consilio, vigilantia, iis denique
virtutum documentis conspicuum se reddi-
derat, quas sapiens hostis non contemneret,
sed pavesceret audax, generosus admiraretur.
quippe in armis assiduus, in opere frequens, in
certamine strenuus, notabilibus plane detri-
mentis Obsessos induxit, ut Illum gentili LEO-
NIS elogio noscitant compellarentque. Nec
aliud, quam spatium exemplorum deerat,
quominus summi Ducis, cuius virtutes &
merita jam obtinebat, famam & titulos nan-
cisceretur. verum sublime ingenium pulchri-
tudinem ac speciem excelsæ magnæque glo-
riæ vehementius quam cautius appetebat.
Subit etiamnum, dum hæc loquor, illius ima-
go temporis, quo, in ipso castrensi opere, mi-
scentem gregario sanguini sudorem pulve-
remque Principalem, lethali prostratum vul-
nere, mox recreatum viribus, inde valetudine
afflictum, magnâ famæ, majore animorum
fluctuatione accipiebamus. prout latius ali-
quid tristiussve de illius sanitate aut vita
nuntiabatur, juxta cum incertissimis rumori-
bus spes

d. x. Augusti
1676.

die xxii.
Menſ. ejusd.

bus ſpes noſtræ metusque, dolor ac gratu-
latio jactabatur. cum nihil non crederet, ni-
hil non timeret tam concitatus & flagrans
amor. poſtquam bona fide conſtitit vim
morbi fatigue ſuperaviſſe; vt vero tum ne-
mo qui vel virtutem viventis noverat, vel
ardorem pugnantis audiebat, hunc exi-
tum eſt miratus. Et apparet equidem
ad multos pertinere atrocitatem vulneris,
quod ferali penitus ictu proſtravit, quic-
quid in tantis dotibus, conſpirantia diverſis
paſſim affectibus, ſed expectatione ubique
maximâ, Germaniæ vota & ſpes fundaverant,
heu nimium fallaces! cæterum de Ipſo Heroe
noſtro ne vel tum minus fortiter ſentiremus,
vel etiamnum loquamur mollius, abunde ſa-
tisque debet in tam animoſæ mortis exem-
plo, vel cautionis vel roboris reputari. Ac mi-
hi certe ſæpius apud animum meum agitan-
ti, grandes illas animas, quibus vita omnis in
armis, virtus in periculis, votum in victoria
conſumitur, quæ vis, quod robur ſuſtentet, vt
inter mille mortes, nulla mortis formidine
percellantur; conſtabat non irâ in hoſtes aut
odiis

tia præstat : Qui vti viventi quondam apud
nos AUGUSTO FRIDERICO paternam ex-
hibuisti curam atq; sollicitudinem, ita nunc,
Eodem defuncto, paternam huic Auditorio
mœstitiâ & luctum repræsentas. Non ego
tamen Avitis Laribus implicatam æternæ
laureæ feralem cupressum avellam: nec si
qua calidiores, in AGNATA DOMO cœle-
stium gratiarum radii accenderunt, affe-
ctus impugnabo. Ne ad Rhetorum qui-
dem provocare scholas, quanquam in hoc
argumento nihil minus quàm imbelles, ani-
mus est; vt æternitatem vitæ inter arma, in-
ter victorias, pro Patria denique profusæ &
beatitudinem, vel splendore ac pompâ tri-
umphorum, vel immortalis sæculorum ac gen-
tium veneratione, famæque perpetuitate
commendent. quæ vtcunque gloriosa Prin-
cipi Nostro; nobis certe, quicquid dissi-
mulemus funesta sunt. Sanctior longe atque
sublimior, imo & lætior disciplina est, ad quam
Ipse nos, non virtutis contemplatione
dicam, sed toto corporis adspectu invitat.

Quo

Quo minus verear Vos inprimis
SERENISSIMI PARENTES,
interpellare, vt ex iterato Cœlitis
Vestri complexu, quo irritari aliàs
dolorem non ignoro, novâ qua-
dam interpretandi generositate,
nobiscum solatia petatis. Neque
triumphalem vulneribus cruorem
abstergam. Non velabo impalle-
scentem amorì Patriæ vultum.
Pateat, quicquid nos amissione
Divini Herois miseros fecit; ne,
quod Illum dissimilitudine nostri
reddit felicem, delitescat. Quid hic
labiorum pallor? pignus est, quo Illi
pacta

paſſa extremis colloquiis cœli gau-
dia Deus obſignavit. Quid hic
vulneris hiatus? oſtium eſt, quo ad
æternam victoriam domitor fati &
hoſtium evolavit ſpiritus. Quid
hic languor lacertorum? vinculum
eſt, quod occurrentem Beatæ ani-
mæ ad ſuaviſſimos & perennaturos
complexus Servatorem ſuum co-
pulavit. Et poteritisne ullatenus in-
ter hæc ambigere, quin dolores,
quos perpeſſus eſt, cumulatiſſima
felicitas; triumphos, quibus ereptus
eſt, luculentifiſſima gloria; vitam,
qua privatus eſt, finitura nunquam
æter-

æternitas abunde sit compensatu-
ra. Reliqua doloris lenimenta,
quæ præsertim Vobis supersti-
tum Liberorum virtus submini-
strat, hic attingere propterea mi-
hi religio est, quia non sine maxi-
ma ad nos sollicitudine pertingunt,
postquam unius Fratris animosi-
tate sumus admoniti, quid me-
tuendum pro Reliquis habeamus.
Quæ vero de cætero in universum vel deesse
officio nostro, vel superesse videbuntur par-
tes, nil cur ambigamus causæ est, quin officio-
sissima in Heroum suorum cultum GERMANIA
plenius & decentius sit peractura. Quæ post-
quam fufum pro salute sua sanguinem ab-
sterfit: postquam accepta pro suâ gloriâ vul-
nera fovit: postquam consecratam suæ victo-
ria

G

ria

riæ animam ab exhalantis labiis in cœlum piis
gemitibus ac suspiriis est profecuta : nostrum
hoc, quod extremum inclamamus VALE non
dedignabitur ore sacro excipere, atque in o-
mnes orbis angulos, omnem seculorum per-
petuitatem ingeminare. Nec nos sane aliud
hucusque quàm sinceræ & ingenuæ venera-
tionis formulam Illi præcinere paramus. qua-
tenus ex officio id erat nobis adnitendum, ut
elogiis, quibus dignissimos æternitate merito-
rum tantorum titulos communis Patria tem-
porum consecrabit memoriæ, peculiariter
huius Academiæ pietas atque veneratio in-
necteretur. Ipsa vero laudum ornamenta re-
ctius nos omnino facturos arbitramur, si vi-
cturis annalium monumentis integra & in-
delibata relinquamus. DIXI.

LESSUS
SERENISSIMI PRINCIPIS
AC DOMINI
DOMINI
AUGUSTI
FRIDERICI
DUCIS BRUNSVICENSIS
ET LYNÆBURGENSIS

*ÆTERNÆ MEMORIÆ
CONSECRATUS*

AB

ACADEMIA JULIA
QUÆ EST HELMÆSTADII.

BRUNSVIGÆ
LITERIS CHRISTOPHORI FRIDERICI ZILLIGERI.

SERENISSIMO PRINCIPI
AC DOMINO

DOMINO

ANTONIO ULRICO

DUCI BRUNSVICENSI
ET LYNÆBURGENSI

DOMINO SUO CLEMENTISSIMO

LUGUBRE HOC CARMEN

SERENISSIMI FILII
GLORIÆ

NUNQUAM MORITURÆ
CONSECRATUM

OFFICII SUI MEMOR

MOERENS TAMEN
ET INVITA

HUMILLIME OFFERT

ACADEMIA JULIA.



JULIA, dum centum exactos sibi supputat
annos,
Et sua sacra, novique agitans exordia secli,
Propitium, mitemque Deum, Gvelphosq;
favores
Prædicat, & porrò ventura in secula Numen,
Et clemens sibi poscit ebur. Proh! tristis acerbi
Nuntius auditur fati. Rumore popelli
Ille quidem dubius primò, sed certior inde,
Insolito nostras turbavit vulnere Musas.
Non querimur vicinum hostem, flammataque
tectâ,
Vastatosque lares miserorum: hæc mascula vir-
tus
Gvelphorum Vesperâ, & patrio defendit ab Albi,
Fortuna famulante illis, & Numine dextro.
Non querimur pestem longè latèque vagari,
Per rura & populos, miserandamque edere stra-
gem.

)o(2

Non

Non cœlum premit, aut nobis sua munera tellus
Denegat, aut lolium, & steriles dominantur avenæ,
Atque anni spes nota perit. Facile ista fuisset
Perferre, atque brevi finem expectare malorum.
At nos in lacrymas, nos in suspiria cogit
Mors DUCIS, in quo uno fatali concidit ictu
Spes Patriæ, spes Teutoniæ, spes maxima Gvel-
phum.

O funesta dies, fastis indigna notari,
Atque indigna aliquâ censerî in secula famâ!
Quâ tener, & primæ Princeps lanuginis annis,
Lethifero insultu flammatae glandis anhelam
Effudit moriens animam, cœsumque cruorem,
Pro Patria, sacrae pro libertatis honore.

Teutonici Heroes, qui, infausti ad flumina Rheni,
Effusas coram pretiosi sanguinis undas,
Spirantesque aliquid divini corporis artus,
Magnanimumque Ducem, & nulli virtute secun-
dum,

Ingentem exigua condi vidistis in urna,
Nunc, o! nunc iusta mœrorem accendite bile,
Teutoniæq; decus, vestrumq; reposcite flammis,
Et rapidi in pœnas, & quâ vocat ira, secuti,
Ultiores necis aut comites, per Gallica rura

Quæ-

Quærite vindictam ferro. Non fortiter ultus
Floerit ille Ducum, nisi sanguine Sequana manet.

Nos, genus innocuum, devotaque pectora Musis,
Armis, Phœbe, tuis prompti, citharaque sonante,
Feralem canimus Lessum. Mollissima corda
Humano generi dare se natura fatetur,
Dum lacrymas dedit : has nostro impendemus

JULO,

ÆNEÆque pio. Sunt hæc solatia luctus
Exigua ingentis, magno sed debita Patri.

Scilicet, instabant domui fatalia Gvelfhæ
Tempora, ut herois se mascula proderet ausis,
Sed cursu in medio virtus deserta periret.

Sic quondam HENRICUS SENIOR, cum A. 1514.
23. Junii.
fortiter Ordam

Obsessam quateret, flammis, diroque minatus
Fulmine, jam muris, Amasi indignante, propin-
qvus,

Per caput auricomum trajectus glande cruentam
Oppetiit mortem non victi pectoris Heros.

JUNIOR HENRICUS tali duo pignora fato A. 1553.
9. Julii.

Perdidit; ah! cecidere simul concordia Fratres
Pectora, Patris amor, CAROLUS VICTO-
RIS adeptus

)o(3

No-

Nomen,quemque Sui MAGNUM dixere PHI-
LIPPUM,

Una eademque hora,dictu mirabile, fortes
Effudere animas,magni duo fulmina Martis.
Est locus antiquæ prope fortia mœnia Peinæ;
PriscaSIVERSHUSIUM voluit signare vetustas,
Limitibus certis ubi distingvuntur amœnus
Brunsvicensis ager,glebisque exilior illo,
Lynæburga,tuus, camposque hinc Fusa pererrat.
Hic,quondam ignotus,nostris jam nobile Fastis
Nomen habet,sed clade niger,dum magna Parenti
Damna dedit,fusoque licet sævo hoste,relatæ
Eripuit palmæ pretium per funera prolis.

Ex illo non est hostili cæde peremptus,
Atque acie in media,cognati sangvinis ullus,
Altera jamque suo labuntur secula cursu.
Nos tamen hæc audire & cernere cogimur. O! cur
Nos,DEUS, hæc in tam mala tempora, Juste, re-
servas?

Quid meriti sumus,aut quo fœdo crimine terras
Has damnas,irate? Ducem,qui floridus annis,
Qui sublimis eqvo,& multum fulgentibus armis,
Pro patria aggreditur bellum: cui noster eunti
Accinuit Phœbus,pro quo tot vota precesque
Unani-

Unanimi atque humiles ad sacras fecimus aras,
Extinctum miserè audimus, gelidumque cadaver
Cernimus adduci, patrio condique sepulcro:
Cernimus, atque oculos tædet fecisse nocentes.
Scilicet hi reditus, expectatique triumphi?
Non hæc sollicito de Te promissa Parenti.
Non hoc magnanimus spondebat Patruus omen.
Ah! si tanta Tibi famæ, laudisque cupido,
Tu poteras Patriis & Avitis artibus illam
Quærere, & **AUGUSTUM** nomen quoque pace
tueri.

Sed belli novus urit amor, tenerâque juventâ
Ingentes animo, dignos Duce, concipit æstus,
Et tacito vivens crescit sub pectore flamma.
Non equidem blandas nunc deserit ille Camænas,
Quas pridem placida consanguinitate jugavit
Cum Marte: ast, alios dum poscit Patria mores,
Arma, arma, exclamat, gladios, scloposq; globosq;,
Lætaturque illis, & jam sua funera tractat
Nullius præfaga mali, malè provida dextra.
Ægrè illum Genitrix, ægrè Pater, omnia bello
Tuta timens, dimittit, & exhortatur euntem.
Vincit amor patriæ, laudumque immensa cupido.
Dicite Pierides, duros ut mille labores,

Ante annos animumque gerens, curamque viri-
lem,

Pertulerit, fidens animi, atq; in utrumque paratus,
Ulcisci Patriam, vel certæ occumbere morti.

Protinus ante omnes campo sese arduus infert
Bellator, non ille dapis, non ille quietis,

Aut somni memor: hinc coeli intractabilis iras,

Hinc æstus, pluviasque, & mille incommoda ridet.

Vix dum ter senis ætas effluxerat annis,

Argueret cum magna Ducem prudentia, & inter

Heroes splenderet, ut inclyta Luna minores

Ignes inter ovat: teneris jam numen in annis

Noscere erat, stimulosque animo dabat enthea
virtus.

Ah! metus est, ne fila hujus tam præcoquis ævi

Sint diuturna minus! Fragrantia poma videmus,

Cum cito mitescunt, roseo spectanda colore,

Ante diem quod lapsa cadant, ramosque relin-
quant

Maternos, seseque in humum projecta resolvant.

Tempus erat, cum Germano depellere regno,

Et Rheni à ripa Gallos arcere feroces

Ardebat CÆSAR, sed moenia celsa PHILIPPI

Obstabant, quæ fama ingens, ingentior armis,

Rex

Rex LUDOVIX (tibi, Rhene, jugum) munimine
firmo
Cinxerat. Hic sibi dulce decus, famamque peren-
nem,
Posthabitâ voluit Princeps acquirere vitâ.
Jamque vigil facta ad fortes custodia muros.
Dux abit: auditur sonitus: nihil Ille nec auræ
Percussæ memor, aut teli venientis, in imo
(Lethifer ille locus) capite accipit inscius ictum, &
Ad terram non sponteruit, simul omnia circum
Nigrescunt tenebris, & dum sopor urget ocellos,
Fervidus inflicto manat de vulnere sangvis,
Et niveum tabo collum, nitidosque lacertos
Inficit, haud secus, ac si quis violaverit ostro
Indumebur, aut rubro candentia lilia succo.
Nunc, ô! nunc liceat calamos armare veneno,
Autoremque necis mordaci pungere versu.
Sed neque nomen erit, nec honos, nec gloria facto:
Ah crudele genus! Quænam manus improba tan-
tum
Ausâ patrare nefas? Quinam potuêre nocentes
Hac spectare oculi? Sed nec pila pars fit honori
Pulsa Ducis? Vos, qui confunditis omnia passim,
Immites aliàs, mites pro Principe, Venti,
Aëra

Aëranunc vestris agitate impulsibus, ut non
Fervidus ille globus nocituro vulnere lædat.
Quis sclopus, quæ sævæ manus, quis vulnera fecit?
Fors media ex acie, & mediis calonibus unus,
Et nulla à vitiis unquam virtute redemptus?
Ceu quondam Æacides, caput in superabile bello,
A timido occisus Grajæ raptore maritæ.
Ah! æterna premant istoc obliviam nomen.
Nec sese AUGUSTI dein jactet vulnere quis-
quam.

O! si te Heroi, si te Illi forte tulisses
Obvius; haud ferre hos potuisses luminis ignes,
Stravissetque animam (quamvis res parvula) in-
terrem.

Felix, Turne, olim! felix quoque cum Patre, Laus!
Vindicis Æneæ vos vivida dextra peremit.
Sic cecidisse juvat! sic quondam Trōicus Hector
Oppetiit mortem, sed magno fusus Achille.
Flammis ipse suis, & tetro sulphure vivus
Ardeat, ingenio qui turpiter usus, in orbem
Induxit sclopos primus, docuitque benignos
Sic flammis sævire homines, plumboque liquato:
Ex illo virtus minor est Herōica, nilquæ
Prævalidi membrorum artus, agilesquæ lacerti
Pro-

Proficiunt, dum sæpe aliquis de plebe satelles,
Vel timidus calo sibi stratum jactat Achillem.

Ut primum discussæ umbræ, & lux reddita menti,
Et castris vicinæ urbi statuere cruentum,
Vulneris inquirunt maturo examine sedem,
Nilque intentatum senior, nil linquit inausum,
Cum sociis Phœbo ante alios dilectus Jāpis,
Ut læsas capitis lamnas, & futile tegmen
Fissum, membranisque oriunda pericula tollat.
O dolor! Ars lassat se operosa, manumq; peritam
Destituit fortuna, acres cum febre dolores
Increescunt, totoque in corpore se exerit ignis.
Et metus est, ne, quæ densata in frigore molli
Obsita membranis jacet humida massa cerebri,
Concipiat parilem, semper qui lethifer, æstum.
O Venus, o Cypri mitissima diva, Paphique,
Quæ quondam, indigno nati concussa dolore,
Trojano Æneæ dictamnum flore comantem
Creteæ in Medicis carpsisti montibus Idæ:
Huic etiam succurre Duci, cui plurima toto
Corde faves, cunctos inspirans dulcis amores.
Ille tuus, sacrasque tibi devotus ad aras
Te colit, atq; tuo accepit jam munere Nympham,
Saxonæ decus æternum, quam Pastor Idæus

Aut similem, aut solâ te diceret esse minorem.
Nunc ô! nunc tempus, succurrere, & illa meden-
tum

Pocula, vulneribus non æqua, implere salubris
Ambrosiæ succis, & odorifera Panacea.

Fata instant. Dux ipse sibi per viscera mortem.
Labi, & vitalem sentit secedere flammam,
Attollensque oculos, mediâ jam morte gravatos:
Parcite, ait, fidi, quondam mea cura, ministri.
Tuque prior, tu parce, & fastidita Machaon
Pocula, & ingratos mihi cessa apponere succos.
Vixi, & quem dederat cursum fortuna, peregi.
Jam moriar. Quos illa mihi mors præripit annos,
Linquere, & heu! caro cupio transcribere Patri.
Hoc satis. Oppetii pulcram per vulnera mortem.
Hoc melius, quàm si macilentum lurida tabes,
Atque ingrata quies lecti, sine nomine funus,
Absumplet, pigrum corpus tardante senectâ.
Sat vixi, quamvis juvenilis fervor, & illa,
Quæ venit à magnis mihi propria gloria Gvelfhis,
Majoris pugnæ, & famæ inflammaret amore.
Credo equidem, nec erit tam magni CÆSARIS
armis
Mors mea inulta diu. Tu certè, excelsa PHILIPPI
Arx,

Arx, quondam nostris malè designata triumphis,
Inferias mihi prima dabis. Jam cerno propinquum,
Cerno diem, quo victa cades, Aquilæq; supremum
Amplecti imperium, Germanaq; Numina discēs.
Me si fata citâ, nec opinâ morte perire
Ante diem voluere, tamen, tot millibus inde
Gallorum occisis, parto super hoste triumpho,
Ante Urbem, mox vincendam, cecidisse iuvabit.
Exoriare aliquis Germani sanguinis Heros,
Aut, si fors velit, antiquo de stemmate Gvelfhûm,
Qui priscum decus, & laudes imitatus Avorum,
Teutoniæ medeare malis, Gallumque ferocem
Compescas victrice manu, data fata secutus,
Secula ut Herminio jungant te nostra Cherusco,
Qui fastus Italos, & iniqui crimina Vari
Indignans, avidis svasit popularibus arma,
Securumque odii, & prorsus nil tale timentem,
Obruit, & multis confecit cladibus hostem.
Me cœlum, celsique vocant sublimia Regis
Castra, ubi perpetuæ dignabor pacis honore,
Et miseram terræ faciem, indignosque tumultus
Ridebo, & pugnas, & inania nomina famæ.
Jamque vale, ô oculis, Genitor, mihi carior istis.
Per Te ego, perq; istam, quam nunc ego defero, lu-
cem, Quam

Quam Tibi post Numen lætus debere fatebor:
Per patriam, quæ multa Tibi, dulcissime, debet,
Obsecro, ne fato Nati tristeris acerbo.
Tuque vale, dilecta Parens, cui tempore nullo,
Nunc pario invitus, funesta morte, dolorem.
Ut Tibi ab Oenotriis aderam gratissimus oris,
Sic spes forte mei reditus jam pectore sedit.
At frustra: quoniam Superis aversa voluntas.
Non Tua me, tam cara olim, non svavia, Mater,
Delectant: cœlum, cœlique palatia spectro,
Divini jaculis non mollibus ictus amoris.
Ut juvenis, pulcræ captus dulcedine nymphæ,
Cui thalamum mater læta instruit: ille cubili
Prodit ovans, cupidusque novæ sua gaudia noctis
Præcipit, & quod amat, toto jam pectore anhelat.
Sic mihi, divinas Agni dum cernere tædas
Contigit, unigenam ardenti jam pectore Christum
Præcipio, hujus amor tenerum ingerit osibus ignem.
Jam terris meliora vocant me templa relictis,
Certa ubi pax; ubi plena quies, ubi veri Hymenæi.
Plura locuturo labuntur frigida letho
Lumina, & obtusæ nil noscunt amplius aures,
Sinon cum dulcis recitantur nomina Christi.
Illum unum, illum unum media de nocte reversa
Mens

Mens auditque, videtque, nec arida sole supremo
Lumina, sed solo cupiunt se pascere Christo.

Occidit! At cunctis tantæ pietatis imago
Excusfit lacrymas oculis. Exercitus omnis,
In lacrymas haud pronus, & atro sanguine fuso
Duratus, guttis humectat grandibus ora.
Sunt divisæ illis patriæ, sunt Solis alumni
Diversi, tamen in luctu hoc sua dissona jungunt
Murmura, lugubres pariter repetentia voces.
Consciis Heroæ laudis, testisque futuris,
Rhenus, ut & Rheni moriturus Moenus in undis,
Et quæcunq; habitant hæc vivida flumina Nymphæ,
Sacratusque Nicer Phoebo, (neque enim excidet
unquam,

Quod Martem, Musasq; pari Dux fovit amore)
Omnes luctifici dant argumenta doloris.
Abde, Visurgi, caput, tantos audire dolores
Indocilis, refluxas tumefacti gurgitis undas
Redde salo, pater Albi: suoque in flumine sese
Sistat Ocer: nec tu frondes aut gramina profer
Elme ferax, tibi ademptus honos, tibi gloria rapta.
Ille quidem, magnorum haud unquam indignus
avorum,

Dux, erit æternus, vivusque per ora feretur:

Illum

Illum secla canent, Heroumque inclyta nutrix
Historie indigenis narrabit sedula fastis,
Ut nati natorum, & qui nascentur ab illis
Virtutem laudesque legant, & nomina magna.
Illa tamen, quarto nondum contermina lustro,
Vita nimis brevis est, & spes præscinditur orbi.
Dumque suos inter Heroas Gvelfica tellus
Incepit numerare Ducem, statuasque paravit,
Invida venturis subducit Morta triumphis.
Quantum erat, ut fineret tam pulcrum crescere
germen
In priscam virtutem & nomina magna Parentum,
HENRICUMque LEONEM, & Cæsareos
OTTONES?

Hoc tamen est fatum meliorum, ut tempore parvo
Se jactare queant. Pereunt modo nata, diuque
Nec tulipæ molles, nec candida lilia florent,
Virgineusque rosæ primo rubor interit Austro.
At læpæ, tribulique, & læto carduus agro
Invisus, Boreamque & Brumæ frigora temnunt.
Nos tamen ah! vitamq; brevem: nos funus acerbū,
Excelsūque animum memori cantabimus ore:
Nos faciem pulcrā, tristi mera gaudia bello
Miscentem, atq; gravi moderantem dulce severo:
Nos

Nos mites oculos, & diu lumen in illis :
Nos corpus: sed nostrum ad se rapit enthea Phoebū
Semper magna petens, & nil mortale agitans mens.

Deficimus. Non tanta rudi fiducia Phoebus est,
Ut famamq; Tuam, & quæ post sua funera victrix
Surgit, virtutem calamo, Dux, pingere possit.
Fors tamen hoc erit, ut nostrum tam flebile Divis
Manibus officium placeat, sacrique labores
Elysias penetrent valles, & amœna vireta.

Interea, æternâ dum pace, piissime Princeps,
Dum verâ in patriâ, plenâ gaudesque quiete,
Nos hujus desiderium quoque tangit, & orbem
Dum calcamus adhuc, terrenæ pacis amore
Pectora flammati, bellum damnamus, & ultra
Littora Juvænæ, & vada caligantia Thules,
Mittimus, in nullis inventas gentibus oras.
Summe DEUS, qui Pacem inter tua munera cen-
ses,

Respice Teutonium, diris proh! undique bellis
Attritam, & miserum Rhenum, & vaga funera
terræ

Alfata, & multâ maculatos cæde penates,
Direptosque lares. Si Thrace barbaranobis
Limitibus conjuncta foret, non tristior usquam
Ex-

0056 45258
0056 45257